



UGOVORA o nabavci usluga povremenih popravki na vozilima u 2018. godini

KJKP Sarajevogas d.o.o., Sarajevo, Ul. Trg Fadile Odžaković Žute br. 4, Sarajevo, BiH,
Koga zastupa: Direktor Preduzeća Mr.sc. Nihada Glamoč, dipl.maš.ing.,(u daljem tekstu: Kupac)

i

«BUNJO d.o.o.», Ul. Alipašina bb (Bare-Šip), mjesto Sarajevo, BiH
Koga zastupa:g. Enes Bunjo (u daljem tekstu: Prodavac)

Član 1.

Na osnovu **Okvirnog Sporazuma**, a po provedenom konkurentskom zahtjevu za dostavljanje ponuda broj KN-05-29/18, ugovorne strane zaključuju **ugovor br. 1 (jedan)** o nabavci usluga povremenih popravki na vozilima.

Član 2.

Predmet ovog Ugovora je vršenje usluga iz oblasti povremenih popravki na vozilima KJKP "Sarajevogas"-a d.o.o. (opravka autolimarije, lakiranje, elektroopravka, tapeciranje, te usluge zaštite vozila) u 2018.godini za koje je proveden konkurentski postupak nabavke br. KN-05-29/18. Prodavac je dostavio ponudu prema specifikaciji Kupca KN-05-29/18, koja je sastavni dio ovog ugovora.

Član 3.

Ugovorna vrijednost usluga iz člana 1. ovog ugovora bez PDV-a iznosi: **10.000,00KM** (slovima: deset hiljada KM). U ukupno ugovorenoj vrijednosti usluga su uračunati rezervni dijelovi i materijal potreban za popravku vozila. Jedinične cijene usluga iz specifikacije KN-05-29/18 su fiksne i neće se mijenjati u toku trajanja ovog Ugovora.

Član 4.

Kupac je dužan naručene, izvršene i fakturisane usluge popravke vozila platiti u roku od 30 dana od ispostavljanja poreski ispravne fakture. Ugovorne strane su saglasne da se kvalitativni i kvantitativni prijem usluga izvrši od strane ovlaštenih predstavnika svake ugovorne strane prilikom preuzimanja vozila sa popravke. Prodavac je dužan na fakturi za izvršene usluge iskazati i utrošak materijala i eventualno ugrađenih rezervnih dijelova po stvarnim cijenama, te dostaviti radni nalog u kojem je evidentirana količina utrošenog materijala i ugrađenih rezervnih dijelova.

Član 5.

Kupac će fakturisane usluge, rezervne dijelove i materijal utrošen za popravku oštećenog vozila platiti na transakcijski račun Prodavca naveden na fakturi. Ako je šteta na vozilu izazvana od strane trećeg lica i procjena izvršena od strane odgovarajućeg osiguranja u tom slučaju će Prodavac izdati fakturu prema zapisniku osiguravajućeg društva kod kojeg je treće lice osigurano i važećim cijenama auto servisa Prodavca.

Član 6.

Prodavac se obavezuje da će ugovorene usluge iz člana 1. ovog ugovora izvršiti kvalitetno i odmah nakon ispostavljanja narudžbe od strane Kupca, a po potrebi i u neradne dane. Ukoliko se Prodavac ne bude pridržavao odredbi preciziranih ovim ugovorom, a koje se tiču rokova izvršenja usluga, Kupac zadržava pravo da od Prodavca naknadi iznos prouzrokovane štete.

Član 7.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumjevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 8.

Prodavac za izvršene usluge lakiranja i popravke vozila daje garanciju na kvalitet u trajanju od 6 (šest) mjeseci. Garancija ne pokriva mehanička oštećenja nastala krivnjom Kupca ili trećih lica.



SARAJEVO GAS d.o.o. SARAJEVO

Kantonalno javno komunalno preduzeće za snabdijevanje prirodnim gasom

	OJ	RB/GOD	RB
UG	OJ04	KN-05-29/18	01

Član 9.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Kupca.

Član 10.

Ukoliko Kupac u ugovornom roku iz člana 3. i 4. ovog ugovora ne plati cijenu za izvršene usluge, obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 11.

Ovaj ugovor se zaključuje na period do ispunjenja njegove svrhe. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 12.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 13.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 14.

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetna primjeraka, od kojih kupac zadržava 3 (tri) primjerka a prodavac 2 (dva) primjerka.

Član 15.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:

Direktor, Enes Bunjo

Broj ugovora: 17. 12. 2018

Za Kupca:

Direktor-Preduzeća, Mr.sc. Nihada Glamoč, dipl.maš.ing.

Izvršni direktor, Mr. Mehmed Mehović, dipl.oec.

Broj ugovora: 261/18
10-12-2018